

四川鹽法志

四川總督丁寶楨片

奏查各鹽務省分均有

頒發鹽法志以資遵守定制昭然凡在官商竈戶無不奉行維謹罔敢逾越以干刑章是以各省鹽務弊竇恆少非實在商疲竈困

國家課稅無敢或虧且商竈或致虧課而部頒引張均係存庫在官在商均無敢私發私領一引從未有引張發出百數十萬之多而課羨亦虧至百數十萬之多者駭人聽聞轉晏然自以爲得計如川省之昏愞極甚者也臣嘗推求其故固由於官商之敢於貪詐然亦因鹽務初辦之時雖有

成法可循究未經定爲志乘頒發通行以資準則是以官商均恃其無籍可考相率營私任意舞弊只知肥己而不知病

國病民迫有人從而矯正之彼則冥然悍然不自知其身之罹於法網也臣自創辦官運後將鹽務一切積弊委員確查清理迄今綱紀秩然百弊略淨然事久則變不可不防因擬爲久遠遵守之計與鹽茶道崧蕃建昌道唐炯等悉心商酌稽考成法仰稟

宸謨仿之各省之成規準以川省之形勢遠搜近考擬輯鹽法志一書期爲四川省日後不易之定則容俟纂集成編敬謹繕寫恭呈

御覽飭部覈議覆候

欽定頒發川省遵守庶後來辦理者確有率循不敢稍萌
貪詐之弊是亦考鑑之一端也所有擬輯川省鹽法
志恭

進緣由謹先附片具陳伏乞

聖鑒訓示謹

奏

光緒七年十二月十四日

奏八年正月二十一日軍機大臣奉

旨知道了欽此

四川總督丁寶楨謹

奏爲纂集四川鹽法志成書敬謹繕冊恭呈

御覽仰祈

聖鑒事竊臣前以四川鹽務爲川省第一大政因向無鹽法志頒發遵行以致官吏商民恃無遵守任意紊亂百弊叢生敗壞至於不可收拾是以

奏明纂集鹽法志一書俾資率循欽奉

諭旨允准伏查鹽法志一書從前雍正二年戶部以長蘆山東纂輯告成具

題請

旨勅下淮浙兩廣河東福建四川雲南等管鹽督撫一體遵

照纂輯奉

旨依議欽此欽遵通行在案是鹽法志實爲鹽務省分必不可少之書茲經臣督同前總辦官運局新授雲南藩司唐炯暨四川鹽茶道崧蕃等悉心考究稽古准今編輯成書現已完竣謹繕具黃冊咨由軍機處恭呈御覽仰懇

勅下戶部覈明覆議具

奏候

旨定奪飭下以憑欽遵刊發各屬敬謹遵守用肅齟綱謹繕摺具陳伏乞

皇太后

皇上聖鑒訓示謹

奏

光緒八年五月十五日

奏八年六月二十五日軍機大臣奉

旨戶部覈議具奏志書併發欽此

戶部謹

奏爲遵

旨核議事四川總督丁寶楨

奏纂集四川鹽法志書繕冊恭進請飭覆核以憑刊發
一摺光緒八年六月二十五日軍機大臣奉

旨戶部核議具奏志書併發欽此欽遵由內閣抄出到部
旋據該督咨送副冊前來查川省鹺務疲敝已極自
督_臣丁寶楨整頓以來日有起色綜計已屆四綱所

收課款不下五百餘萬兩茲復恐積久弊生成法廢
墜纂集鹽法志一書自係爲官商遵行起見_臣等督

飭司員詳加校核該督此書圖說詳明原以志官運

之成效卽以著沿革之成規雖以官運爲主而商運舊例亦在其中惟井數仍載八千八百三十二眼查本年六月間該督奏報據稱富順嚴開井二百餘眼究係何年所開曾否升科並未載入卽謂以旺抵枯以新補舊亦豈能與舊額八千八百餘眼適相符合應請

飭下該督查明覆奏倘查係私井或立爲封禁或酌辦升科先行報部存案並增入志中以備稽考再志書所載率係成法而徒法不能自行必得人始可長治人果事理通達誠實廉潔乃堪任事奉法是在該督隨時稽查虛心求才勿任詐僞虛浮之輩庶足資遵

守而肅饒綱所有臣等覆核並恭繳志書緣由理合
恭摺具陳伏乞

皇太后

皇上聖鑒訓示遵行再此摺應檢查歷年舊案是以覆奏
稍遲合併聲明謹

奏

光緒八年十一月十六日具

奏本日軍機大臣奉

旨依議欽此

四川總督丁寶楨謹

奏纂輯四川鹽法志一書今屬稟告竣謹進

呈者伏以

皇建有極五行並重作鹹

帝念養民三事必兼利用天生水而地生火井養無窮乾
資始而坤資生食貨攸濟夙沙興煮海敢希上治于
黃軒官器與牢盆用佐大農于元狩西南樂利中外
臚忱臣誠惶誠恐稽首頓首上言竊維蜀疆實稱陸
海嚮者秦時蜀守識鹹脈于廣都漢代羅哀專貨殖
于益部李唐則疏鑿浸廣利遂徧于東川西川趙宋
則棧閉重開額乃增于前蜀後蜀元修廢壞分隸十

二鹽場明廣新增都歸十七課使是以名如琅井黑井而重費鑄修成比池鹽海鹽而各分飴散且夫山海之藏宜屬少府漕河而上此爲大經文學集六十餘人公孫與之論難平叔疏一十八事韓愈都爲條詰惟榷蜀肇于宗望逮趙開變法而邦賦彌崇算引始于紹興及嘉靖兼票而鹺網略備然而北沙錮利張疑至於往爭西域築城毛璩猶煩設守淮綱遠附惟傳二益一揚解席兼資虛除三路六監卓筒盡榷遞增石腳之錢兩制代輸至貽竈丁之累溯源累代已屬頽波綜厥大端無非小補從未有地不愛寶富媪效靈井洌寒泉海王牟盛不加賦而足用

制軼于唐宋元明溥美利于無言

惠播于滇黔湘鄂有如今日之盛者也茲蓋伏遇

皇太后

治隆媯陞

德曜璇宮

皇帝陛下

虞軫阜財

唐芡崇儉

湛恩濛涌遠敷于六合八紘

颶氣旁流勤思乎參天貳地間閭日用上頌

宵旰之經營財賦紀綱仰秉

聖神之謨訓庸蜀土膏壤沃實爲近鹽之鄉

國家薄賦輕徭猶下

恤民之

詔除勝朝之苛權閭閻幸免誅求洗流寇之毒逋竈并肆
開夷塞岸則轉輸互異計濟以邊鹽則正餘兼行引
外有票儻使推行盡利已備

一代宏規從此率由舊章故應萬世無弊乃者徵輸逋積
漸闕正供引票淩消或多賄改文書蠹蝕典守不免
失傳官吏饕貪害已將思去籍凡茲禹筭之中蹶半
由文獻之無徵況如淮浙長蘆粵東山左薩略與薩
志兼名鹽政與鹽法並著舉能代增沃鹵上裨司農

莫不部勒成書弄藏

祕閣乃南中草木之志繁庶胥登而益部方物之書鹹
鏐獨闕將何以見

乾規坤矩式成法於二百餘年嶽貢川珍效邊忱於五千
餘里臣忝總師干兼權鏐計陳編蒐獵遠徵柱史之
藏計簿鉤稽近發官胥之守部居勿厠給筆札以分
綈同異宜參焚蘭膏而繼晷若夫憲典悉遵

聖訓

鐫卹渥被

皇仁

勅書則

異命重申

聖製則

天章首煥特先恭紀用弁於端泉脈伏地宜附麗於方州
民食爲天等艱難於稼穡則以井厥次之而各圖說
繫焉計邊分岸比飛芻輓粟之勞水陸交馳見雷駢
雲艫之利再次以轉運而疆域運道各圖表繫焉鹽
人揭書遂沿流爲交子水衡主利用分佐夫度支又
次以引票徵權而配引權額二表繫焉然而官司主
計治法必有治人鬻鬻多私興利必先剔弊則職官
次之緝私又次之至若入境問禁邦有常刑則禁令
尤宜共守援古證今義資考鏡故紀遺用以終編是

則宏綱細目既徵數典無遺大法小廉庶備有司格
守未是元和會計制限方隅差如桂海虞衡學尤弁
陋上供

乙覽願等於幽風無逸之編

照炳

重瞳敢擬諸虎觀石渠之掌謹繕寫藁本四十卷奉

表恭

進以

聞

四川鹽法志纂輯職名

總纂

太子少保兵部尚書都察院右都御史四川總督管巡撫事 臣丁寶楨

提調

四川通省鹽茶道 臣崧蕃

四川分巡建昌兵備道辦理滇黔邊計鹽務今授雲南布政使 臣唐炯

辦理滇黔邊計鹽務四川候補道 臣夏肯

編輯

禮部主事 臣羅文彬

校定

刑部郎中 臣文天駿

檢校

湖南候補知府_臣陳鴻作

甘肅候補知縣_臣錢寶宣

四川什邡縣知縣_臣沈芝田

四川候補知縣_臣錢保塘

貴州候補知縣_臣王秉恩

四川候選訓導_臣韓永騞

採訪

四川特用知府_臣華聯輝

四川眉州直隸州知州_臣毛隆恩

四川候補直隸州知州_臣阮全齡

四川石碛廳同知臣于德楷

四川敘永廳同知臣華國英

四川候補通判臣劉藻

四川新甯縣知縣臣趙廷璜

四川岳池縣知縣臣何肇祥

四川候補知縣臣段興宗

四川潼川府經歷臣張炳

四川候補府經歷臣張思源

繕寫

四川候補鹽大使臣沈賢修

繪圖

四川

候

補

巡

檢

臣

高啓文

候

選

從

九

臣

吳紹伯

督梓

四川

候

補

知

縣

臣

余恩鴻

凡例

上諭專屬四川者自應恭錄其通飭有鹽各行省宜共祇遵者亦得并錄又若中有兼及他事者惟節鹽事起訖皆就其中片段不敢增減劉子元曰凡爲史者國有詔誥十分不當取一焉荀悅奉勅撰漢紀節略頗多卽今

皇朝三通於

上諭亦多不全錄謹遵其例

歷代郡縣沿革累牘難詳并厥沿革以事爲主於歷代有鹽州縣惟因時標名謹遵

大清一統志表注今地於下不參考證閒有一統志所無

者始取證他籍注明至敘次亦以一統志表爲緯取便溯察沿革且別其非地志例也

古者左圖右史鄭氏夾漈謂史以圖爲經以書爲緯圖與書原相埒麗鹽事諸圖尤繁瑣輒散次各部而以器具附焉引票諸式如之各以類從取便省覽州縣井廩諸圖惟以井廩去城遠近在何方隅爲主水道亦不可略如井廩分在四方則圖全境或只一隅且去城遠如犍富等廩則祇圖一二隅又以井廩爲主

圖中鑿井汲鹵鬻鹽各廳州縣不能具圖今最盛者爲富廩圖中一切崖略概取之他廩有互異者埒見

說中

各圖說皆輯今昔故說錄之雅俗兼收但取翔實雖其人現在而得之身親目諒者見聞自必確鑿亦爲節入非如立傳及輯古文辭例必以沒世爲斷也至各廠錄送與夫咨詢所得悉加刪潤別爲按語系後踵複不免特不厭詳而已

器具圖說諸名目皆方言土語遠則考工所未及近亦蜀語所不備姑從俗稱取與眾共其有俗字及公牘習見字頗難盡革者悉仍不改

史例藝文皆散見各部或系于地或系于人茲編自泛論鹽事者不具外其專爲蜀鹽發者寥寥無幾輒

附入井廩取便稽考泛者節之錄入圖說者卽不重具

馬班諸史皆網羅舊事採掇時論白鑄偉詞以成一家之言此惟國史可以取裁其餘一方紀載第備國史要刪凡有徵引皆宜標注所出以期共信志中舊事取故書近事資案牘故書但注所出閱者按籍可稽案牘則全錄附後以爲左證二百餘年陳牘遺佚院檔旣多蝨蝕齟署又經回祿蒐獵所及詳稟條陳有關利弊并得著錄惟於公牘程式煩文解辭則從刊落

淮浙諸志惟敘錄公牘不著一詞蓋彼以各牘完備

自然條貫此則闕略頗多非搜開剔隙參觀互見始末殆難盡具章氏學誠有言食貨爲經國之要錢穀簿錄雖猥瑣而理不可忽志者但擷總凡而參以奏疏議論俾覽者有以悉其利弊得失乃稱史裁竊取斯義兼泝故事斷其緣起卽去案牘亦見太凡

凡井版職官紀遺諸部引用故書惟取鹽事中有閒雜他事者悉節去之

引用諸書有數見則引最初者若後詳於前則從其詳者其展轉援引之書不具有同異與有按語足證古書脫誤者則加注焉

凡地名或一代數易但從所引之書不拘正史有無

同異

引書初見并系著書人名氏後卽從省又書名初見從詳後亦從省

引書以書之先後爲次如取語氣聯貫者不拘此例凡地志水利都須溯源導流分支別派茲以行鹽運道疏鑿人工爲主取別地志且無涉於鹽事也

採錄詩文惟酌取有事實備攷證者雖涉俚俗亦必潤節錄入此外雖佳章麗句概無取焉

鹽官自宋元以上并監而外兼官爲多非必專主鹽事者其兼官亦非如今之督撫權總於一往往一省數使名位相埒或因事立名建置不恆茲取世次官

制名氏事蹟相麗勒爲一表地方有司向有行引督
課之責有事蹟者亦附著焉無事蹟者卽屬鹽官祇
取名氏斷代附後略如景定建康志成清臨安志例
云爾

律令內如事例有厯敘舊定各條惟錄最後改定者
餘從略

徵引書目

聖祖仁皇帝聖訓

世宗憲皇帝聖訓

高宗純皇帝聖訓

硃批諭旨

欽定明史

欽定四庫全書總目提要

欽定皇輿表

欽定續通典

欽定續通志

欽定續文獻通考

欽定皇朝通典

欽定皇朝通志

欽定皇朝文獻通考

欽定滿漢名臣傳

欽定授時通攷

欽定大清會典

欽定大清會典事例

周禮

廣韻

史記

漢書

後漢書

後漢書注

斟注漢書地理志

三國志

百書

隋書

舊唐書

新唐書

舊五代史

新五代史

新五代史補注

宋史

元史

明史彙

漢紀

資治通鑑

通鑑地理通釋

津逮本

李燾續資治通鑑長編

愛日精廬本

建炎以來繫年要錄

鈔本

劉時舉續宋資治通鑑

憲章錄

畢沅續資治通鑑

明紀

東觀漢記 掃葉山房本

建炎以來朝野雜記

歷代名臣奏議

林文忠政書

陶文毅奏議

曾文正奏議

皇朝經世文編

阿文成年譜

華陽國志

十六國春秋

十國春秋

王隱晉書地道記 畢沅輯本

元和郡縣志

岱南閣本

太平寰宇記 萬廷蘭本

元豐九域志

馮集梧校本

輿地廣記 士禮居本

輿地紀勝

明一統志

天下郡國利病書

讀史方輿紀要

大清一統志表

乾隆府廳州縣圖志

皇朝一統輿圖

歷代地理志韻編

黔書

蜀典

四川通志

各府廳州縣志不備載

江南通志

陝西通志

湖北通志

雲南通志

貴州通志

各府廳州縣志不備載

水經注

趙一清程本

蜀水考

通典

通志

文獻通考

王圻續文獻通考

唐六典

掃葉山房本

歷代職官表

唐會要

元典章

錢大昕鈔本

明會典

萬曆本

世法錄

大清律例

中樞政考

吏部處分則例

戶部則例

東華錄

東華續錄

今人

歷代紀元編

鹽法議略

兩淮鹽法志

兩浙鹽法志

長蘆鹽法志

河東鹽法志

河東鹽法備覽

山東鹽法志

福建鹽法志

淮北票鹽志略

王復齋鐘鼎款識

涪州石魚題名記

今人

隸釋

管子

金樓子

能改齋漫錄

金壹本

容齋五筆

丹鉛錄

日知錄

十駕齋養新錄

夢溪筆談

津逮本

東坡志林

老學菴筆記

津逮本

吳船錄

蜀輶日記

天涯聞見錄

藝文類聚

初學記

白孔六帖

太平御覽

冊府元龜

事文類聚

玉海

錄異記

津逮本

北夢瑣言

雅雨堂本

玉壺清話

金壺本

太平廣記

夷堅志

博物志

士憲居本

異苑

津逮本

酉陽雜俎

津逮本

杜工部集

草堂詩箋

杜詩詳註

丹淵集

曾文定公集

東坡集

鶴山文鈔

養一齋文集

楊升菴集

昭明文選

國朝文徵

四川鹽法志目錄

上諭 奏疏 表文 職名 凡例 徵引書目 目錄

卷首

聖諭

劉鄴詔

勅

聖製

卷一

井廠一

井廠圖

卷二

井廠二

井鹽圖說

鑿井 汲井 煮井 發運

卷三

井厥三

器具圖說

卷四

井厥四

沿革上

秦至明

卷五

井厥五

沿革下

國朝 祠廟附

卷六

轉運一

行鹽疆域圖

長江運道圖

水運 陸運

卷七

轉運二

本省計岸

本省行鹽道里表

卷八

轉運三

湖北八州縣計岸

八州縣行鹽道里表

卷九

轉運四

雲南二府一州邊岸

二府一州行鹽道里表

卷十

轉運五

貴州省邊岸

貴州省行鹽道里表

卷十一

轉運六

四川鹽法志
濟楚上

卷十二

轉運七

濟楚下

卷十三

轉運八

官運上

卷十四

轉運九

官運下

卷十五

轉運十

水利

官運船行

卷十六

引票一

頒引

引式

卷十七

引票二

配引表

歷年增引 計口初額

卷十八

引票三

積引

改配代銷 歸丁積引

卷十九

引票四

各票

票式 包斤 由單

卷二十

徵權一

井課

鍋 竈

引稅

紙 硃 力 截

羨餘

卷二十一

徵權二

權額統表

卷二十二

徵權三

納解

歸丁

卷二十三

徵權四

積欠

卷二十四

徵權五

票釐

引釐

卷二十五

徵權六

商捐

商籍

卷二十六

徵權七

經費

卷二十七

職官一

鹽官表一

秦至後蜀

卷二十八

職官二

鹽官表二

宋

卷二十九

職官三

鹽官表三

元明

卷三十

職官四

鹽官表四

國朝

卷三十一

職官五

公解

局卡 鹽倉

卷三十二

緝私一

編甲

卷三十三

緝私二

關隘

截驗所

書巡

破船

卷三十四

緝私三

各岸緝私

卷三十五

禁令一

吏部考成

則例

卷三十六

禁令二

戶部鹽法

則例

卷三十七

禁令三

兵部緣營處分例

中樞政考

卷三十八

禁令四

刑部律例

卷三十九

紀遺一

紀事上

卷四十

紀遺二

紀事下

外紀

四川鹽法志卷首

聖諭

順治八年三月初八日奉

上諭各處所報鹽課中每報有餘銀若干細思鹽課正額自應徵解若課外餘銀非多取諸商人即係侵尅百姓大爲弊政傳戶部都察院通行各鹽差御史及各鹽運司止許徵解額課不許分外勒索餘銀如有貪縱御史及運司各官貪縱者許商民指實赴都察院首告審問確實奏請治罪用布朝廷恤商裕民至意欽此

順治十八年十二月二十五日奉

上諭戶部鹽課錢糧關係軍國急需聞內外大小官員勢豪

之家多有貿易販鹽倚勢不納課銀巡視鹽課官員不畏勢力不徇情面盡心催徵者卽能多得課銀其畏勢徇情者卽致課銀虧欠以後管鹽各官多得課銀者著以稱職從優議敘額課不足虧欠者以溺職從重治罪其官員貿易倚勢漏課情弊該管官須嚴加稽察參奏本主一並從重治罪巡鹽等官如仍前徇隱定行一並從重治罪不饒爾部卽遵諭行特諭欽此

康熙十七年三月十二日奉

上諭吏戶兵三部朕統御寰區孜孜圖治期於朝野安恬民生樂業共享昇平乃副朕宵旰勵精之願不意逆賊吳三桂背恩扇亂各處用兵禁旅征勦供應浩繁念及百姓困

苦不忍加派科斂因允諸臣節次條奏如裁減驛站官俸
工食及存留各項錢糧改折漕白二糧顏料各物增添鹽
課鹽丁房產稅契牙行雜稅宦戶田地錢糧奏銷浮冒隱
漏田畝嚴行定例處分用過軍需未經報部不准銷算以
上新定各例不無過嚴但爲籌畫軍需早滅逆賊以安百
姓之故事平之日自有裁酌各省督撫提鎮大小文武等
官俱宜上體朕意下念民生潔已奉公愛惜物力務期早
奏蕩平與民休息以稱朕乂安海宇至意爾三部卽通行
傳諭遵行特諭欽此

康熙二十四年四月二十七日奉

上諭盜販私鹽屢經嚴禁未見杜絕皆因地方經管各官不

實心奉行以致仍多私販著九卿詹事科道會同確議具奏欽此

康熙四十四年五月初十日奉

上諭今看得私鑄小錢販賣私鹽者甚多如何嚴行禁止之處著戶部定例具奏欽此

康熙四十四年八月二十一日奉

上諭舊鑄錢展限之事著另議具奏其私鑄錢之人並販賣私鹽者斷不可寬免欽此

雍正元年正月初一日奉

上諭各省道員爾等官歷僉司所以贊襄藩臬承流宣化者也分守分巡職居協理糧河鹽驛各有專司身居是官必

顧名思義名者實之華也克副其實而後名歸焉鹽道一官尤關國課邇年鹽法弊竇叢生正項錢糧每多虧欠一出上下各官需索商人巧立名色誅求無已窮商力竭不得不挪新補舊上虧國課高擡鹽價下累小民至於官鹽騰貴貧民販賣私鹽捕役鬪毆株連人民流弊無窮一由商人用度奢靡相仍陋俗不知節儉致欠額徵爾等運籌鹽法宜將陋例積習盡情禁革必思何以蘇商何以裕課上供軍國下利閭閻方爲稱職總之病官病民悉緣貪黷敬爾有官垂諸古訓靖共爾位載在風詩爾等各有常職各守官方名實二字極宜體認今以獻賂爲實虛譽爲名動云名實兼收內以欺己外以負國有覲面目其何以立

身而抒忠蓋乎

皇考御極六十餘年以軫恤民生爲首務各省道員必親加
遴擢諄諄戒勉極其詳愼朕纘承大統翼翼小心惟仰體
皇考愛養元元至意亦期爾等爭自濯磨振飭風憲以副朕
望果能肅清綱紀無致廢弛朕當破格獎勵其或因循不
改朕必置之重法特諭欽此

雍正元年八月初二日奉

上諭諭各省鹽政國家欲安黎庶莫先於厚風俗厚風俗莫
要於崇節儉周禮一書上下有等財用有度所以防僭越
禁驕奢也孟子亦曰食時用禮菽粟足而民無不仁朕臨
御以來躬行節儉欲使海內之民皆敦本尙實庶康阜登

而風俗醕夫節儉之風貴行於閭里而奢靡之習莫甚於
商人朕聞各省鹽商內實空虛而外事奢侈衣服屋宇窮
極華靡飲食器具備求工巧俳優伎樂恆舞酣歌宴會嬉
遊殆無虛日金錢珠貝視爲泥沙甚至悍僕豪奴服食起
居同於仕宦越禮犯分罔知自檢驕奢淫佚相習成風各
處鹽商皆然而淮揚爲尤甚使愚民尤而效之其弊可勝
言哉爾等既司鹽政宜約束商人嚴行禁止出示曉諭諄
切勸戒使其痛自改悔庶循禮安分不致蹈僭越之愆而
省一日之糜費卽可以裕數日之國課且使小民皆知警
惕敦尙儉約於民生亦有裨益庶不負朕維風振俗之意
若仍前奢侈不知悛改或經朕訪聞或被督撫參劾商人

必從重究治爾等亦不能辭徇縱之咎特諭欽此

雍正二年二月初二日奉

上諭各省關差鹽差從來關樞鹽稅之設所以通商裕國或用欽差專轄或令督撫兼理無非因地制宜利商便民之至意也朕前於關鹽兩差各下諭旨誥誡諄切但旗員向來相沿成習陽奉陰違任意侈靡不知撙節額外加派苦累民商差滿之日惟恐回京有當差效力之事每以缺額懇求寬限希圖掩飾是以不憚丁甯再加申飭大抵關差之弊惟知目前小利恣意侵漁聽信家丁縱容胥吏開關分別遲早肆無厭之誅求報單任意重輕爲納課之多寡飽谿壑者則任其漏稅代爲朦朧不遂欲者則倒篋傾箱

不遺纖細致商賈畏懼裹足不前行旅徬徨越關迂道則困商實所以自困也鹽差之弊尤合重懲飛渡重照貴賣夾帶弊之在商者尤小加派陋規弊之在官者更大若不徹底澄清勢必至商人失業國帑常虧夫以一引之課漸添至數倍有餘官無論大小職無論文武皆視爲利藪照引分肥商家安得而不重困賠累日深則配引日少配引日少則官鹽不得不貴而私鹽得以橫行故逐年之課難以奏銷連歲之引盡皆壅滯非加派之所致歟故關差惟在嚴禁苛求使舟車絡繹貨物流通則稅自足額鹽差惟在力除加派使商困少蘇盡復舊業則課自贏餘至於督撫係封疆大吏更當仰體朝廷歸併之意關政不得視爲

帶理漫不經心誤任屬員聽其剝削鹽政不得罔恤窮商獨專厚利硬派州縣計口徵錢夫權關部屬尙有顧忌恐督撫持其短長今歸督撫則何所瞻顧巡鹽御史地方官或不奉約束今歸督撫則孰敢抗違况欵差猶每年更換而督撫兼理則無限期若不實心奉行使風清弊絕則大負歸併之本意矣至將耗羨充課固屬急公但恐以耗羨歸正額而正額之外復加耗羨商民重輸疊出何以堪此朕深悉鹽關擾累之害垂念商民營逐之苦特諭爾等經理榷稅者務期奉公守法遴委得人知商旅之艱辛絕箕斂之弊竇通商卽所以理財足民卽所以裕國如自利自便罔上行私責有攸歸其悉遵朕旨特諭欽此

雍正六年十一月奉

上諭川省鹽茶二項既經特設道員專司其事自應責成該道令其公勤督察期於清楚倘不能勝任卽屬溺職當予參黜另用賢員今乃言該道亦茫然無端委則設立專官何爲耶至于差往科道京員係爲清理地畝以息豪強之爭奪兼安插流民之得所儘足辦理矣若又將鹽茶等事交與經營便寬予限期豈如該道之久在川省可比稽察過急必致騷擾民間滋生事故脫有遺漏將來反得推卸且據汝奏內搜查挨查之說更屬謬妄鹽茶積弊相沿已久自應商酌從容清理之法安可如此嚴急從事觀汝一切料理處過緊而欠通變只圖已身免咎而已不肯擔承

四川鹽法志卷之四
利害實心任事于此一奏心行畢現非朕委任之意也嗣後當深以爲戒諸凡必籌畫始終萬全方可舉行卽欲秉公執法亦非可乘一時高興率意而爲之者敬之勉之欽此

雍正七年二月十一日奉

上諭鹽茶皆民生日用所必需川省鹽課考成惟責之產鹽州縣其餘並無巡查之責且有僻遠地方不行官引以致私販充塞甚爲鹽政之弊應將官引通行合省約計州縣戶口之多寡均勻頒發令其各自招商轉運倘有壅滯責成各州縣定爲考成如此則有司等自必加意查察私販息而官引銷弊端可以釐剔矣著該督撫詳議定爲成例

使川省鹽茶經理妥協於民生均有裨益欽此

雍正十一年八月奉

上諭凡一省中鹽課引務莫非汝等督率之責果曹源邠著有貪婪不法形迹卽當列款糾參若止改撥不當汝等何難商酌合宜而更正之今但云不敢隱蔽祈朕飭部察議竟將此事視如無涉然不知是何意見覽奏朕甚鄙汝等有玷督撫統轄訓飭之任也

雍正十二年九月二十九日奉

上諭各省鹽政關係國計民生所當加意整理大約鹽法之行必以緝私爲首務私靖則官引自銷轉輸便利裕課息商皆本於此淮南江廣口岸寬廣如果私鹽杜絕何慮積

引難銷惟是緝私一事地方督撫大吏非不遵奉辦理但以不關切已之務有名無實聞今年江廣口岸鹽壅價減急難銷售皆由鄰私充斥之所致蓋兩淮行鹽地方江西河南有浙私蘆私之侵越而湖廣之川私粵私爲害更甚現今雖於各處私鹽隘口設立巡官巡役似爲周密而地方文武官並不肯實力奉行一任兵役人等避難趨易罔利營私如商船夾帶原應秉公盤查而往往視爲利藪多方需索恣意搜求以塞巡查之責轉爲平民之擾累至於大夥梟販則慮其拒捕或畏難故縱或受賄得錢其拏獲到案者地方官弁又視非專責姑息養奸以重作輕以多報少朦混草率不能據實審結以致立法雖嚴而鄰私之

肆行如故在江南督臣亦不過責成自己所屬地方至咨會鄰省卽未必有呼輒應此私販之所以難禁也年來朕留心訪聞甚確用是特頒此旨曉諭各省督撫等務矢公心以各省之事視爲己事嚴飭文武官並同心協力遠近愚民家諭戶曉使川粵浙蘆之私鹽不敢越界橫行則兩淮積壓之引易運易銷於國計民生均有裨益倘旣經曉諭之後仍有失於覺察者一經發覺朕必於該督撫是問欽此

乾隆元年奉

上諭私鹽之禁所以除蠹課害民之弊大夥私梟每爲盜賊連藪務宜嚴加緝究然恐其展轉株連故律載私鹽事發

止理人鹽並獲其餘獲人不獲鹽獲鹽不獲人者概勿追
坐至於失業窮黎肩挑背負易米度日不上四十觔者本
不在查禁之內蓋國家於裕商足課之中而卽以寓除奸
愛民之道德意如是其周也乃近見地方官辦理私鹽案
件每不問人鹽曾否並獲亦不問販鹽觔數多寡一經捕
役汛兵指拏輒根追嚴究以致挾怨誣攀畏刑迫認干累
多人至於官捕業已繁多而商人又增私僱之捕水路又
增巡鹽之船州縣毘連之界四路密布此種無賴之徒藐
法生事何所不爲凡遇奸商夾帶大梟私販公然受賄縱
放而窮民擔負無幾輒行拘執或鄉民市買食鹽一二十
觔者並以售私拏獲有司卽具文通詳照擬杖徒又因此

互相攀染牽連貽害此弊直省皆然而浙江尤甚朕深爲
憫惻著各省督撫嚴飭各府州縣文武官弁並督率差捕
實拏奸商大梟勿令疏縱其有愚民販私四十觔以下被
獲者照例速結不得拖累平人至貧窮老少男婦挑負四
十觔以內者概不許禁捕所有商人私顧鹽捕及巡鹽船
隻幫捕汛兵俱嚴飭停止毋得滋擾地方俾良善窮民得
以安堵欽此

乾隆五年正月奉

上諭國家一應賦稅無論正雜羨餘凡徵之各府者均係出
之間閭而究其原則仍以天下之物力供天下官弁兵民
之用爲上者不過爲之權衡調劑於其閒使經理其事者

稍有纖毫假借則大不可爲也前此各省臣工不能砥礪廉隅取之民者既極煩苛而侵於官者又多虧空計其贓私動逾累萬以致身罹法網貽害妻孥仰賴

皇考世宗憲皇帝聖慈矜憫提撕警戒釐剔肅清所有一切陋規悉行裁禁以紓民困俯允直省督撫所請將舊有耗羨一項酌定額數用資各官薪水及地方辦公之需名雖提解耗銀而較之從前私派私收固已輕減數倍矣自奉行之後官員無拮据之憂百姓免需索之累吏治民生稱爲兩便此實中外所共知共見者朕御極之初曾降諭旨飭令督撫毋得重耗浮徵致累商民凡賦多稅重之地屢加寬減民捐官墊之款悉動存公乾隆三年又將解部減

半平餘一項扣存司庫以備荒歉應用蓋因各省公用甚煩而耗羨無幾惟恐所入不敷所出是以不惜部庫之贏餘留備地方之不足各省督撫藩司皆當加意慎重不時查核減官吏一分之浮費卽留一分之實用此理顯然可見乃比年以來或無關緊要之事遽行動用卽例應支給之款亦有浮開部駁核減時見章疏其扣存備撥平餘銀兩各省有已經報部者亦有未經報部者遇有應辦賡務仍多臨時請撥由此類推則司庫所存公項未必盡得實用雍正十三年六月內曾奉

皇考諭旨將各省耗羨存公銀兩勅令清查原屬防微杜漸之至意朕嗣位之初念耗羨不同正項從前原未定有章

程且歷年已久各省規條不一官員更換亦多况復恩諭
屢頒縱有挪欠亦當在寬免之例是以諭令暫行停止清
查今看各省情形漸滋冒濫若不早加整頓立法防閑必
至挪移出納弊竇叢生一經敗露國法難寬揆之朕愛養
教誨之心固有所不忍卽經辦各員噬臍後悔已屬難追
是及今綜核清理亦預爲保全之道也戶部可行文各省
督撫將地方必需公費分晰欸項立定章程報部核明彙
奏存案嗣後務將一年之內額徵公費完欠雜支同餘賸
未給各數目逐一歸欸各官養廉照依正署起月日應將
分數並扣除空缺詳悉登記其收數內有拖欠未完者分
別是否著還其支數內有透動加增者分別是否應給有

無挪移虧缺之處俱於歲底將一切動存完欠確數及扣除減半餘平銀兩造冊咨送戶部核銷如此年清年款則民力輸將均歸地方官實用而經理之員亦免罹於參處矣欽此

乾隆七年四月奉

上諭辦理耗羨一事乃當今之切務朕夙夜思維總無善策是以昨日臨軒試士以此發問意諸生濟濟或有剴切敷陳可備採擇見諸施行者乃諸貢士所對率皆敷衍成文全無當於實事想伊等草茅新進未登仕籍於事務不能曉徹此亦無怪其然今將此條策問發與九卿翰林科道閱看伊等服官有年非來自田間者可比悉心籌畫各抒

所見具摺陳奏候朕裁度若無所見亦不必勉強塞責至
外省督撫寄重封疆諒已籌畫有素並著各據所見具摺
奏聞務期無隱無諱以副朕集思廣益之意欽此

乾隆七年十一月奉

上諭錢糧之有耗羨蓋經國理民事勢之必不能已者未歸
公以前耗羨無定制有司之賢者兢兢守法不敢踰閑不
肖者視爲應得之項盡入私囊一遇公事或強民輸納或
按畝派捐濫取橫徵無所底止且州縣以上官員養廉無
出於是收受屬員之規禮節禮以資食用而上官下屬之
閒時有交際州縣有所藉口恣其貪婪上官瞻徇而不敢
過問甚至以餽遺之多寡爲黜陟之等差吏治民生均受

其弊我

皇考俯允臣工之請定耗羨歸公之法就該省舊收火耗之數歸於藩司酌給大小官員養廉有餘則爲地方公事之用小民止各循其舊有之常有輕減無加溢也而辦公有資捐派不行有司之賢者固無所用其矯飾而不肖者亦不能肆其貪婪此愛養黎元整飭官方之至意並非爲國用計爲此舉也且以本地之出產供本地之用度國家並無所利於其間然通天下計之耗羨數用之處不過二三省其餘不足之處仍撥正供以補之此則臣民未必盡知者此十數年中辦理耗羨之梗概也朕御極以來頗有言其不便者朕思古人云琴瑟不調甚者則改而更張之此

事若宜變通何可固執是以留心體察並於今年廷試時以此策問諸生乃諸生奏對不過敷衍成文全無當於實事旋降旨詢問九卿翰林科道並各省督撫等今據諸臣回奏大抵皆以爲章程一定官民久已相安不宜復議更易眾論僉同其中偶有條陳一二事者不過旁支末節無關於耗羨歸公之本務也朕再四思維耗羨在下則州縣所入既豐可以任意揮霍上司養廉無出可以收納饋遺至於假公以濟私上行而下倣又不待言矣則向日朕之所聞者未必不出於利耗羨之在下以濟其私者之口傳曰作法於涼其弊猶貪作法於貪弊將若之何朕日以廉潔訓勉臣工今更輕更現行之例不且導之使貪重負我

皇考惠民課吏之盛心乎此事當從眾議仍由舊章特頒諭旨俾中外臣民知之欽此

乾隆二十七年四月奉

上諭據高恆奏辦理拏獲私鹽車船變價充餉一摺船隻既可裝運鹽觔斷無一船僅變價二三錢之理明係該地方官一任書役估變不行稽查所致該鹽政已咨商督撫將各該處拏獲船隻印烙解交運司驗明船之堅固朽爛酌量辦理但各省皆有緝私之責車船變價猶其小者如此相沿漏弊必因漫不經心私鹽充斥職此之出著傳諭該督撫嚴飭所屬嗣後務宜實力拏獲私販其車船務須詳驗明確從實估變如州縣官暨胥役等或有變多報少與

將原獲車船轉售私梟等弊卽行查明參處高恆摺著鈔寄閱看可於直省督撫奏事之便傳諭知之欽此

乾隆二十九年八月二十四日奉

上諭阿桂奏松茂道駐劄茂州有彈壓諸番之責向來道員每藉口在成都辦公駐茂州之日恆少殊曠職守請分別改隸以杜推託等語著照所請將成都縣州二屬改歸驛鹽道兼巡其松茂龍安雜谷廳所屬專令松茂道員管轄並兼兵備職銜改爲提調之缺其松潘鎮屬各協營都司以下均聽其節制該道駐劄地方所需賞費頗繁本任廉費之外應於公項內量爲增給之處該督阿爾泰會議妥協辦理欽此

乾隆四十二年十二月初九日奉

上諭山東曹沂一帶鹽梟之案已經屢犯由於其地與海濱鹽場相近而各場所出餘鹽舊例原爲贍恤貧民之用日久遂爲奸徒牟利之資卽或嚴爲查禁非肩挑背負不許出場而此等梟眾無難私顧窮人在場如數攜出彼此從旁收買一落其手仍可積少成多販行無忌是此例不除流弊終難禁絕不可不通盤籌畫以期妥善也且此等肩挑背負之鹽期使瀕海貧戶稍獲微利以謀生乃積久法弛窮民之需潤有限奸販之影射滋多竟以老少之利源變而爲私梟之弊數可不急改絃更張乎朕意與其存此例以滋弊莫若去此例以防奸自應將各鹽政所出餘鹽

貧民肩挑背負咸可獲利若干通行核計卽照數官爲收買散給貧民其一切肩挑背負之例悉行停止則貧戶仍得倚以餬口奸徒無由藉以犯科實爲兩便其收買之鹽或仍給商領銷或並聽商買用務使挑販之眾仍免向隅而場竈所餘亦無狼籍正本清源之道莫過於此傳諭有鹽各省督撫及鹽政等將如何設法辦理之處就各省實情公同悉心妥議詳晰覆奏又如湖廣省向多川廣私鹽陝甘省向售蒙古私鹽與此等情形又復不同或係積久相安或因月爲籌辦務案各實在情形妥爲籌議朕意籌度如此但各省地方及各場竈情形未能深悉其事是否可以行之有益而無弊著各省督撫會同各鹽政按該處

情形斟酌妥善據實覆奏不得因朕有此旨稍存遷就也將此遇各奏事之便通行傳諭欽此

乾隆四十五年五月奉

上諭昨和珅回京面奏滇省鹽務情形實緣川省私鹽不無偷漏又係白鹽較之滇省所出黑鹽味好而價廉所以官鹽難銷而正課日虧惟在川滇二省交界處所實力禁止偷漏則小民不能淡食庶幾官鹽易銷課項無虧等語所奏較爲切實私鹽盛行則官引壅滯難銷自應實力嚴禁但川省與雲南接壤私鹽既易偷漏小民貪賤買食勢所不免卽出示嚴行曉諭查禁仍屬有名無實多派兵役巡察查拏又恐徒滋擾累總之有治人無治法應揀選能事

地方官責令妥爲籌畫實力清查俾閭閻不致食私而鹽務漸期整頓所謂民可使由之不可使知之者著傳諭福康安文綬等卽遵照此旨派委妥幹員弁並於川滇交界處所稽查嚴禁毋託空言欽此

乾隆四十六年二月二十六日奉

上諭戶部奏清查各省鹽務一摺川省積年欠項雖係羨餘然總應歸入鹽課正項乃積欠至二十八萬七千餘兩之多經部行查何以該督至今並未咨覆至該省所產鹽觔本旺尙有私販至雲南湖廣等省可見並非缺乏何至四川本省不能銷售致有拖欠總由該地方官平日不能整頓以致私走偷漏正課積欠累累年復一年將來何所底

止文綬不應有此著傳論文綬嚴飭各屬設法實力稽查使影射私販諸弊日就肅清歷年積欠尅期完繳毋致再有稽遲延宕並當因何積欠如此之多及經部行查又因何遲至半年不行咨覆緣由據實卽行速奏欽此

乾隆五十三年奉

上諭淮南綱鹽向在漢口分銷如果楚省官員實力緝私何至官鹽積滯此皆由地方官吏平日巡緝不力以致川省私販充斥著該督撫嚴飭所屬校織巡查仍時加察訪如有奉行不力仍前弊混者卽據實參奏至川省與湖廣接壤雖楚省向有數府例食川鹽自不能禁其販運但亦應嚴清境界止令於食川鹽州縣地方販售豈容任意侵銷

八 四川鹽法志卷首
著傳諭李世傑幫同嚴查除應食川鹽州縣仍聽其運往外其餘一概嚴行禁止庶商販無從夾帶官鹽自可暢銷
欽此

乾隆五十四年奉

上諭據畢沅等奏楚岸銷售准鹽總以緝私爲務現在嚴查
歷來私販四川則由夔州府入境業選派參遊大員分投
南北二省改裝密緝等語著李世傑嚴飭交界地方各官
查禁偷越以杜私販之源不得僅以空言塞責也欽此

乾隆五十四年六月奉

上諭李世傑奏稱據夔州府知府穆克登佈稟稱五月初三
日昏暮有船三隻停泊河干因值大雨擬俟次早往查詎

該船均各乘夜偷越當經於川境追獲私鹽船一隻又會楚省兵役在湖北宜都縣地方拏獲私鹽船二隻留楚審辦等語私販經過地方官自應立時拏獲嚴辦示儆況正當嚴禁私鹽越入楚省之際尤宜上緊訪緝乃該府因昏暮大雨直至次早往拏以致私販船隻乘夜逃逸殊屬不成事體若逃犯在境亦豈因雨不及往拏任其脫逃乎此事非尋常失察可比夔州府知府穆克登佈著交部嚴加議處李世傑並不據實查辦亦著交部議處欽此

乾隆五十四年七月奉

上諭李世傑奏據夔州府知府穆克登佈稟稱五月初三日昏暮有船三隻停泊河干時因大雨擬俟次早查驗詎該

船均各乘夜偷越等語殊屬不成事體已明降諭旨將夔州府知府穆克登佈交部嚴加議處李世傑交部議處矣私販船隻在該府境內停泊自應立即截拏嚴辦乃因昏暮大雨直至次早往拏以致私販船隻聞風乘夜逃逸實出情理之外若次早雨猶未止豈竟任其偷越而不尾追截拏乎設遇有盜竊等重犯乘雨夜逃竄官役等亦豈畏沾溼衣履聽其遠颺該省地方巡緝廢弛之弊殆不可問若非會同楚省兵役截拏盤獲則私販幾至潛匿漏網該督撫並不據實嚴參殊屬疎縱殊字已明降旨矣但李世傑不應如此著傳旨嚴行申飭嗣後務須嚴飭所屬凡遇劫盜私販實力訪緝隨時拏獲毋再推委疎脫致干咎戾

將此傳諭知之欽此

乾隆五十四年七月奉

上諭李世傑奏帶徵積欠鹽課羨銀限內全完一摺聲請富順縣知縣潘邦和可否量予議敘等語向來經徵不力州縣皆例有處分而認真督催使應徵錢糧年清年欸亦係地方官分內應爲之事督撫等或因其辦事急公止可遇有本省應行陞調缺出時酌量奏請陞調以示鼓勵若明降諭旨將該員議敘恐各州縣以徵收全完爲可見長過事追呼甚非所以體恤閭閻之道昔人有云撫字心勞催科政拙是拙於催科尙當磨上考而督徵全完之員又豈可特予甄敘乎李世傑或見不到此故有此奏耶將此諭

令知之欽此

乾隆五十六年三月二十六日奉

上諭姚榮奏粵浙兩省昆連江境之處堵緝私鹽尙易爲力惟建昌府屬界連閩省之區路徑較多堵緝稍難必須於各要隘添設巡卡廣爲堵截方收實效等語各省行銷官鹽分疆畫界各銷各地原以杜偷漏引課越境販私之弊但必須酌核地方遠近情形使民間食鹽不致舍近求遠去賤求貴方爲妥善卽如姚榮所奏江西建昌界連閩省該處私鹽多從福建販入可見建昌一府雖例食淮鹽而距淮南二千餘里離閩省邵武汀州等處不過二三百里運鹽程站較之淮南近至十倍其鹽價自必貴賤懸殊欲

百姓之舍近賤而食遠貴原非正道卽禁閩販之不入江境顯屬有名無實不知從前定例時何以不將鄰閩府分就近行銷耶他如湖南之永順湖北之宜昌等府與川境毗連該處私鹽俱從四川運入以此類推各省多有在鹽政等各有額定引課所謂出納之吝不肯通融辦理殊不知建昌與閩省相近永順宜昌等府與川省相近何妨改川閩引鹽所有應徵鹽課卽移在該二省輸納如此一轉移間不特便於民食卽私販亦無影射獲利其弊自可不禁而止卽以直隸豫東江浙閩粵山陝甘肅雲貴等省向定銷鹽地方有相離較遠之處或可改歸就近省分均勻搭配庶於民食國課兩無妨礙但此事行之旣久一涉更

張恐致滋擾扞格難行著傳諭各督撫酌量情形悉心核議如能不動聲色彼此確商調劑可省許多緝私之繁著會銜詳議具奏總以不畏難而又以不滋事爲要將此各諭令知之欽此

乾隆五十六年五月二十二日奉

上諭畢沅等奏永順宜昌兩府每年定額不過各銷三千餘引淮南並不爭此綱地實係恃此數處險隘以爲蔽私之地如改食川鹽實有扞格難行之處應請仍循其舊等語此事昨已明降諭旨將各省行銷引地悉照舊定章程辦理毋事更張矣今畢沅所奏永順宜昌兩府不便改食川鹽尙與諭旨相合自應照舊辦理惟所稱永順龍山等四

縣如遇淮鹽不能接濟仍令零星買食川鹽聽從民便但不得過十觔以上一節所言殊屬未當該處毘連川境小民因淮鹽不能接濟零星買食川鹽亦勢所常有但不可定以銷鹽觔數使百姓以買食私鹽業已奉有明文遂至逐漸增多無所底止設如畢沅等所奏以十觔爲率明立科條不啻導以興販私鹽之路況小民趨利若鶩或於十觔之外加增數觔地方官豈能按戶稽查逐一秤驗如果私販鹽觔事經發覺自當按法懲處若係官鹽不能接濟零星買食地方官祇可行所無事所謂民可使由之不可使知之畢沅等所奏永順等四縣買食川鹽定以十觔之處不必行將此各諭令知之欽此

嘉慶十七年十二月奉

上諭大學士會同戶部奏議駁常明請將川省計引鹽課改歸地丁完納一摺所駁甚是川省鹽務行商等擡價病民復慮鹽不暢銷招集匪徒妄拏滋事該省無業之人聚充私販漸與官商爲敵常明係本省總督既屢有搶奪案件自當嚴行查辦免滋弊端今據請將鹽課改歸地丁聽民與販此議若行不但該省奸民趨利若鶩爲害滋甚且川省與兩湖毘連私販順流而下浸灌淮綱諸多窒礙常明身任封疆不爲地方計及久遠又不通盤籌畫於鄰省利弊顯分畛域除所請不准行外常明仍著交部嚴加議處欽此

嘉慶十九年八月十八日奉

上諭御史程贊甯奏請嚴私梟拒捕之禁以靖地方一摺官引滯銷由於私鹽充斥全在地方官實力查拏隨時懲辦梟徒自當畏法斂戢近日捕務廢弛遂至私販日多著通諭各省督撫鹽政嚴飭所屬文武官員弁認真查辦如訪有窩買私鹽梟徒立即會同擒捕勿存消弭規避之見其有兵役包庇者究明按律嚴懲毋稍寬貸欽此

嘉慶二十三年二月二十八日奉

上諭據御史吳杰奏稱巫山大甯一帶鹽埠口岸素有好商私造引張名爲墨引串通土豪勾引私販各船到彼捏稱提載由水路浸入荊州宜昌等處陸路則由竈戶出賣與

竹谿房縣肩挑背負之民每日不下數百人聽其販往楚界各鄉邨售賣又聞陝西商南平利一帶私鹽卽自潞商各店中販來由漢中順流而下至襄陽之穀城德安之安陸分途暗售河南私販卽自南陽之李官橋店中販來亦至穀城安陸等處請飭令各督撫查辦等語私鹽充斥以致官引滯銷亟應設法整頓著孫玉庭慶保張映漢錢臻阿克當阿會同確查並將該御史指出開設店鋪興販私鹽各地界移咨四川陝西河南各督撫一體查明究辦其應如何設法堵緝稽查之處歸入會議章程內一併妥議具奏將此各諭令知之欽此

嘉慶二十三年四月初四日奉

上諭據慶保等奏查明湖北歷來鄰私浸灌各口岸均已添建官廳卡房並酌給口糧薪水飭令派出各員弁分率兵役常川駐宿巡緝其餘水陸交衝各處隨時委員巡查並令各商公舉在楚年久熟悉鹽務商人專司緝私自選商夥分投躡緝一有梟犯蹤迹隨地報官拏拏如各口岸有疎懈賣放之弊准其據實密稟以憑究辦並移咨四川兩廣陝西河南各督撫一體查緝等語私鹽浸灌引地惟在地方大吏督率文武員弁認真緝拏按律懲辦俾私梟知所畏懼自能斂戢豈可以躡緝之責諉之商人轉令各員並兵役有所推卸試思鄰省匪徒成羣結黨突入境內地方官本應嚴拏懲辦不但堵截私鹽兼可翦除匪類以靖

間閭若不認真查緝徒爲紙上空談於事有何裨益至界連湖廣各省如四川之巫山大甯陝西之商南平利河南之新野唐縣以及粵西與湖南接壤各州縣均應認真查禁除官引之外鹽觔概不准私販出境則其源既清下游自不致受浸灌之累著蔣攸銑阮元葉照桂朱勳和舜武各飭所屬於要隘地方實力巡緝並嚴查官役包庇收賣之弊庶關防嚴密可收裕課安民之效慎勿存畛域之見將此各諭令知之欽此

嘉慶二十三年六月十五日奉

上諭蔣攸銑奏查議川私入楚巡緝章程一摺楚省宜昌一帶淮引界內向患川私灌注其由川入楚之後川省官弁

自不能越境查緝然兩省毘連之處各有水陸要隘果能
巡邏嚴密隨地禁遏則梟徒何從偷越其楚省鶴峯長樂
恩施宣恩來鳳利川咸豐建始八州縣例食川鹽者惟在
川省於驗放之時核明引鹽數目定額之外絲毫不准夾
帶出境並嚴飭州縣大使等稽查竈戶人等無許私運出
場則川鹽入楚歲有常數自不至侵越淮境至宜昌等處
地居楚省上游官鹽憚於遠涉不行運往民食有缺川鹽
始得乘虛而入乾隆五十五年楚省既會定有於宜昌府
城撥貯淮鹽十萬包減價敵私之議何以近年並不奉行
著孫玉庭慶保阿克當阿查明原定章程會同酌議具奏
欽此

嘉慶二十三年九月奉

上諭孫玉庭等奏請定鹽捕通判墮銷處分並責令營員一體緝私一摺湖北宜昌府撥貯淮鹽十萬包設立鹽捕通判領運分銷向止定有缺銷罰扣薪水章程並未明定墮銷處分以致日漸懈弛任聽川私浸灌不特宜昌一府銷不足額下游綱引悉受其害自應嚴定考成俾有專責著照所請卽以每年運鹽十萬包作爲十分銷數責成該通判緝私運售如銷不足額按照墮銷分數據實參奏分別降革其宜昌上游歸州一帶並著宜昌鎮派弁督兵會同移駐文員實力緝私如上游堵截不力准該通判稟揭查明該文武員弁嚴參究辦務各行之以實以肅饒政欽此

道光元年三月奉

上諭曹振鏞等議奏兩淮鹽政緝私事宜一摺兩淮引地寬廣與川粵浙閩等省處處毘連各鄰私四出侵銷致虧額賦自應加以整頓著通飭四川廣東浙江福建及山西河南各督撫鹽政飭令各官商等恪守界址按制行鹽如有越境私販及巡防員弁賄縱情弊立即嚴拏究辦以杜偷漏至鹽梟拒捕事所時有地方文武各官因處分過嚴轉多諱飾著照吏兵二部所議量從寬減其拏獲人犯無庸一概解省分別訊辦以省拖累所獲鹽斤等項卽聽該兵役自行變價充賞俾免侵漁惟是鹽務弊竇多端緝私特其一節凡官引之夾帶商人之行私其弊有甚於私販者

著該督撫鹽政等實力查禁勿託空言弊源既清鹹務自
日有起色矣欽此

道光六年三月奉

上諭御史陳肇奏請飭禁鹽商浮椿鹽觔一摺鹽務積弊已
久近年屢經嚴緝私梟官引仍未暢銷如該御史所奏山
東鹽引每引浮椿多至三十五觔至百餘觔不等通計山
東每年五十萬引多椿五千萬觔抵官引二十餘萬道一
經控告或將鹽包戳漏或澆水滲消官吏得規祖護一省
如此各省恐亦不免果有此弊必當嚴行剔除著山東巡
撫認真飭禁并著有鹽省分之督撫鹽政運司各官嚴行
查辦嗣後銷引不暢卽將掣鹽各官從重議處查出商人

浮椿勛數亦著照私鹽例治罪務令浮椿之弊與私梟並除以肅鹺政欽此

道光七年正月二十四日奉

上諭御史汪淋奏淮鹽積滯請嚴飭一摺各省行銷鹽引地方每因鄰私浸灌以致官鹽滯銷如該御史所奏各省偷漏之處所在皆由兩淮引地遠闊私販尤多該地方文武果能認真緝拏何至私梟充斥無如派委巡緝之官弁兵役始而得規包庇繼而畏因縱放轉將零星挑負窮民需索擾累於大夥梟販則置之不問卽閒有督撫奏明設卡緝私旋卽視爲具文有名無實何以肅鹺政而靖地方著江蘇安徽閩浙廣東廣西湖南湖北四川各督撫嚴飭印

委文武官員認真訪察實力堵緝將結夥私販嚴拏務獲分別功過以示勸懲毋再從前疎縱干咎至商人向有放租夾帶藉官售私以及違例重斤情弊責成各鹽政及兼管鹽政各督撫嚴飭監掣之員於引鹽過掣時務須核實盤驗如有徇縱卽當嚴參究辦欽此

道光十五年閏六月奉

上諭訥爾經額等奏查銅鉛船隻自四川裝運北上一路收買私鹽入楚售賣經由卡隘並不聽候查驗自非督飭嚴拏不足以資鎮壓嗣後銅鉛船經由宜昌府所屬地方著卽飭令該鎮總兵親督卡運各員查驗催趲倘有水手抗拒及逃散挾制等事卽拏交地方官究辦一面代爲顧覓

水手迅速開行以符例限并著雲貴四川各督撫嚴飭運員務將船價水腳照數給發不准稍有尅扣運船過境飭令沿途各州縣加意稽查如有私行售給該船戶鹽劄即行嚴拏懲治倘不認真查辦一經楚省查出來帶私情事著卽行知川省覈實查參惟銅鉛船隻聽候稽查不無停待仍應嚴飭卡員查無夾私等弊立即趕緊放行斷不准藉端勒措稍有稽遲致誤鼓鑄欽此

道光十七年五月奉

上諭林則徐奏銅鉛船隻夾帶私鹽請將運員總兵分別議處一摺所奏甚是滇黔銅鉛向由川船裝載藉差夾帶私鹽爲弊滋甚前降諭旨飭令經由卡隘認真查驗有犯卽

懲原所以杜私衛引整飭離網茲據該督查明雲南委員署大關同知彭衍墀領運銅鉛並不攏卡經兵役等追獲私鹽貴州委員龍泉縣知縣童輦船不泊岸順流直下追赴下游就彼驗放該運員等於船戶冒越避查均有失察之咎彭衍墀童輦俱著交部分別議處護宜昌鎮總兵倭仁布並不遵照前奉諭旨親督卡運各員實力查驗迨該船不聽搜查僅以趕往截驗一語含糊具稟顯係意存遷就倭仁布著交部議處此次議處各員著該部專摺具奏至銅鉛船隻夾帶川省私鹽最爲淮網之害著四川總督督飭夔州府於各船過關查稅之便務將所帶私鹽一併認真查起並嚴飭瀘州鄧都忠州雲陽巫山各州縣隨時

隨地加意稽查儻該處場店膽敢將川鹽賣給船戶一經查出卽行嚴拏按律懲治毋稍徇縱該督等惟當以公事爲重不分畛域實力稽查務期買私諸弊一律肅清庶於鹽務銅運兩無妨礙如敢意存膜視任聽私販充斥再經楚省搜獲除將失察透私之州縣及縱漏之夔關照例查參議處外定將該督一併懲處決不寬貸欽此

道光十七年五月十九日奉

上諭御史袁文祥奏私鹽充斥請設法清釐一摺各省鹽引滯銷由於私販日多或弁兵遇有鹽梟未能實力捕拏或兵役得賄縱私不行阻止鄰私由是充斥而官引因以難行又商人於正引外帶有私鹽先儘私鹽賣竣而後及正

引私入私帶之鹽皆出於場竈緝私而不究私所自出則
弊源未遏安望鹽務日有起色著管理鹽務各省督撫鹽
政嚴飭所屬務於場竈所在設法認真稽查所出之鹽勿
使以多報少通同隱漏庶餘鹽不致泛溢四出卽正引之
鹽亦不致爲私帶所積壓其如何酌定章程實力奉行可
收實效之處該督撫鹽政等著各就現在情形悉心妥議
具奏將此通諭知之欽此

道光三十年四月奉

上諭據戶部覈覆大學士耆英條奏理財之要以地丁鹽課
關稅爲歲入之大端以兵餉河工爲歲出之大端得其弊
之所在認真革除害去而利自見著各直省督撫河道總

督鹽政各關監督查照該部指出各弊振刷精神實力剔除所有陋規浮費全應禁革並將現在如何整頓積弊辦理之處據實具奏欽此

咸豐三年正月奉

上諭羅繞典奏現在淮鹽阻滯著准其以川鹽潞鹽接濟迅即咨部辦理俟賊氛掃蕩再復舊規欽此

咸豐三年奉

上諭前因湖北省淮鹽阻滯降旨准其借銷川鹽潞鹽以資接濟茲據張亮基奏川鹽轉運既易成本亦輕較之潞鹽更爲便利自係實在情形著四川總督卽飭鹽茶道借撥川鹽二千引迅速解赴湖北以濟急需俟江路廓清淮引

通暢仍照舊章辦理欽此

咸豐十一年十二月奉

上諭大學士周祖培奏請飭整頓鹽務一摺據稱長蘆鹽課近年銷數短絀兩淮缺額尤甚皆諉其故於粵匪滋擾前經該督臣奏請於就近地方辦理設場收稅每年收稅所得亦屬無多兩廣福建山東四川甘肅省等皆銷數日短課項日絀請飭大加整頓等語鹺務爲國課大宗各省額銷應徵額銀爲數甚鉅近年短絀過多總由該管官不能認真辦理所致當此帑項支絀宜如何激發天良力求整頓暢銷以期裕國課而濟時艱長蘆近年懸岸甚多著直隸總督督飭運司嚴拏私販招商認辦勿再任令久懸以

致額徵短絀兩淮就場徵稅並著核實徵收前經湖廣總督官文奏請辦理淮鹽行銷楚岸江蘇巡撫薛煥奏請招商運銷湖北江西俱由戶部議准均著認真辦理勿許領運行銷官吏人等營私舞弊其兩廣福建山東四川甘肅等省或仍屬完善或軍務漸平尤應早復舊額並著各該省督撫鹽政痛蠲積習講求利病務期經商裕課按照例限奏銷不得稍有遲誤倘或不知振作任令國家正課日形短絀朕必加重懲治不稍寬貸欽此

同治二年六月奉

上諭張亮基奏黔省餉需支絀委員赴川催餉辦鹽請飭川省迅速籌撥一招據稱黔省瘠苦向賴各省協餉軍興以

來協濟寥寥藩糧兩庫搜括一空各屬地丁類多蠲免倉穀動用殆盡現在通省兵練不下五六萬人所用餉糈皆張亮基在川時所集捐款藉以敷衍而無源之水易虞其竭自應及早籌畫以期源源接濟川省歷年部撥貴州協餉等銀七十餘萬兩屢催未解不得已咨明該督請速撥鹽斤合銀二十萬兩之數以濟急需各等語張亮基恐川省協濟餉需一時無此鉅款擬以鹽斤通融抵撥其需餉情形實爲緊迫著駱秉章轉飭司道速撥約值價銀二十萬兩之鹽陸續兌交該省委員承領不拘川黔地面聽其變價解繳經過地方免其納稅所需腳價或以鹽運鹽或以長價作爲運費均著隨時會同酌辦以期川黔兩省均

有裨益將此由五百里諭令知之欽此

同治二年六月奉

上諭前因伊犁將軍常清奏部撥川甘兩省有著欵項未據報解請飭嚴催等語當交戶部速議具奏茲據奏稱該部於上年十月間遵旨籌撥伊犁軍餉當將川省徵存正餘鹽釐項下銀及濟楚鹽釐項下銀各五萬兩行令該督照數提撥嗣據該督以指撥之餉無從籌解奏請改撥復經該部議令照前撥解所撥之項准其於欠解咸豐十一年京餉銀內扣除更無所用其推諉何以半載有餘絲毫未解請飭四川總督查照前案勒限籌撥等語伊犁爲邊疆重地最關緊要一切餉需全恃內地協撥藉資接濟該督

撫等何得不權衡緩急任意遲延著駱秉章嚴飭藩司迅將戶部前撥伊犁軍餉正餘濟楚各鹽釐銀十萬兩如數籌撥趕緊委員探明道路解由甘省轉解甘省固不准擅行截留川省亦不得再事遲延致誤急需欽此

同治二年十月奉

上諭劉蓉奏籌辦川省鹽釐應由井竈抽收請旨飭辦一摺前因毛震壽請於川楚借地抽釐以裕秦餉當經諭令官文嚴樹森駱秉章竭力籌辦茲據劉蓉奏川省鹽筴之利井竈實居其源而商販特承其流川省鹽出於井井資於竈雖有官鹽餘鹽之分而井竈則乘鹽之或滯或銷以低昂其價值故有虧本之商人從無歇業之竈戶向來辦法

僅抽官鹽餘鹽從未議及井竈該撫擬仿就場起課之法
倡爲按鍋計鹽按鹽定釐之議並擬編聯保甲令十戶出
具連環保結稽查偷漏查川省各廠井竈秦人十居七八
蜀人十居二三如抽係秦人資本者卽歸陝餉所抽係蜀
人資本者卽歸川餉請添派藩司啟芳署鹽茶道吳鎬隨
同辦理等語劉蓉現辦漢南軍務當陝省凋敝之後無餉
可籌而漢中各軍新敗必須添募丁勇製備軍火鍋帳等
項需費尤鉅自不得不藉資鄰省協濟川省竈戶有井以
爲之本與他省竈戶不同該撫所陳按鍋計鹽按鹽定釐
之議似屬可行且係從未抽捐之戶以秦蜀商人各協本
省軍餉自應情殷桑梓踴躍急公著駱秉章按照劉蓉所

奏飭令牛樹梅等認真興辦惟事屬創始必須於國用有裨於竈戶無損仍恐興辦伊始有奸商劣紳從中阻撓把持射利亦不可不嚴爲之防其未盡事宜著該督撫飭令該司道等妥爲覈議以期萬全無弊至摺內所稱如能歲籌二三百萬不惟秦蜀實賴其利等語該省竈戶是否能籌此鉅款併著該督酌量辦理斷不可竭澤而漁致使竈戶疲敝或致別滋事端是爲至要原摺著抄給閱看欽此

同治二年十一月奉

上諭前因毛震壽奏陳漢南艱窘情形請於川省借地抽收鹽釐濟餉當經諭令駱秉章按照所奏籌辦嗣因劉蓉奏稱川省鹽釐應由井竈抽收復經諭令駱秉章酌量辦理

茲據駱秉章奏請免予再抽陝省加半鹽釐等語自係爲體恤商情起見惟前據劉蓉奏稱川省各廠鹽筴之利井竈實居其源而商販特承其流擬就井竈起課按鍋計鹽按鹽定釐是駱秉章之所謂鹽釐者係就商運之鹽分別按計斤包引數抽收劉蓉之所謂鹽釐者係就井鹽按鍋抽收辦法本有不同現在川省商力雖疲而各處銷鹽之路尙無阻滯劉蓉所稱有虧本之商人無歇業之竈戶原爲川省井鹽之利計及久遠總須從長妥議劉蓉前任川藩一載有餘所擬由井竈抽釐之法自必確有所見著駱秉章仍按該撫原奏悉心妥籌覈實定議具奏以裕度支而資餉源將此諭令知之欽此

同治七年十二月奉

上諭前據曾國藩奏請禁川私入楚收復淮南引地以復舊規當交戶部議奏茲據該部遵議請旨辦理一摺淮南引地以楚岸爲大宗從前因江路梗阻淮鹽未能行銷迭經湖廣總督奏明借撥川鹽并抽收川私釐稅原是一時權宜之計近年江路早經通暢自應規復舊制雖前經酌減淮釐以輕成本而鄰私未能盡禁淮鹽總難暢銷曾國藩所陳川私病淮各節自係實在情形著吳棠李鴻章郭柏蔭何璟卽將川鹽行楚章程妥籌停止其宜昌沙市等處應如何撤局停稅并稽查偷越之處著李鴻章郭柏蔭何璟飭屬妥辦并將裁停川稅日期截清報部勿滋弊混至

會國藩所稱淮鹽並收鄂釐淮銷果暢鄂餉即可加增將來所收鄂釐較之川稅收數能否不至大相懸殊著李鴻章等體察情形具奏惟川鹽行楚既久井竈增多現在既經禁銷自應酌量封禁並著吳棠妥爲籌辦其如何分限減停及堵緝各路鄰私著馬新貽核議章程奏明辦理自此次改復舊章之後務當嚴禁商人夾帶並飭垣商講求煎煉其到岸候輪之鹽不准私自掙價該督撫等總當不分畛域實力妥籌以絕弊竇而維大局欽此

同治七年十二月十一日奉

上諭曾國藩奏請禁川私入楚收復淮南引地當交戶部議奏茲據該部遵照辦理著即將川鹽行楚章程妥議停止

四川鹽法志卷之四
至會國藩所稱淮鹽並收鄂釐將來所收較之川稅能否
不至大相懸絕著李鴻章等體查情形具奏欽此

光緒元年正月初五日奉

上諭御史王立清奏辦理釐鹽各局請明定章程等語各
省抽釐分局及江皖兩湖等省督銷兩淮票鹽分局各
該州縣往往以本籍紳士經管弊竇叢生亟應嚴行禁
止著各省督撫及鹽政衙門嗣後委辦釐鹽各分局不
准用本縣紳士其已委者卽行裁撤並將委員職名籍
貫年終報部以憑查核欽此

光緒三年十月初九日奉

上諭李瀚章奏覆核沈葆楨收復引地包認餉銀章程未

能允治秉公安議一摺准鹽規復引地事體重大必須籌畫妥善計出萬全方不至戾時宜而滋後患茲據李瀚章奏稱沈葆楨原奏包完餉銀立限截止川鹽設法嚴緝私梟章程或虛數徒懸或事多窒礙所慮困運商病場商誤國計蹙民生激事變各條均係爲大局起見自宜和衷商推不厭求詳著沈葆楨按照該督所陳悉心覆核務臻妥洽欽此

光緒三年十月二十四日奉

上諭據李瀚章覆核沈葆楨奏復准鹽引地立限截止川鹽包完鄂餉等節當經諭令沈葆楨悉心覆覈茲據丁寶楨奏禁川之舉以時勢籌之實難遽行惟有俟黔邊

銷路漸暢使川商漸歸本岸而淮引自復皖西本兩淮專岸官票不及私販之多不若先行整理則淮鹽銷路自暢引課自增各等語著沈葆楨彙入李瀚章所陳一并覆覈妥籌辦理欽此

光緒四年二月初一日奉

上諭丁寶楨奏請將貪婪之委員革職嚴訊等語各省承辦釐務之員宜如何清白自持奉公守法乃四川重慶鹽釐局委員候補知縣鄒宗灝膽敢留難鹽船需索商人銀七百兩實屬貪婪藐法鄒宗灝著卽行革職交丁寶楨提省嚴行訊辦該部知道欽此

光緒四年二月初十日奉

上諭所有規復淮南引地各該省如何辦理不致爲難之處著戶部再行妥議具奏俟議定後仍著沈葆楨李瀚章丁寶楨妥商籌辦欽此

光緒四年二月初十日奉

上諭前據李瀚章丁寶楨先後陳奏淮南規復引地窒礙難行當經諭令沈葆楨覆覈籌辦茲據奏稱引地當復與否請旨定奪或飭部通籌等語淮南規復引地一事關係商民利害必須疆臣各就地方情形通盤籌畫互相熟商期於辦理無弊且各該省均有爲難之處朝廷亦所深知乃彼此各執一說往復辯論迄未定議殊失政體李瀚章前次所奏不免措詞過當沈葆楨疊次所

陳語意亦多不公平非大臣和衷共濟之義所有規復淮南引地各該省如何辦理不致爲難之處著戶部再行妥議具奏俟該部議定後仍著沈葆楨李瀚章丁寶楨妥商籌辦總期於公事有裨不得稍存成見致誤大局將此諭知戶部並由四百里諭令沈葆楨李瀚章丁寶楨知之欽此

光緒五年二月十八日奉

上諭恩承等奏川省官運局經竈民呈控多欺請飭妥爲區畫或仍由官運或改官督商銷總期無虧成本實惠及民等語該省鹽務究應如何辦理方於國計民生兩有裨益著丁寶楨按照該竈民等所控各節確切查明

嚴剔弊端體察商情或應仍由官運或應改官督商銷
據實具奏不准稍涉迴護該竈民等原呈著該督向恩
承等咨取閱看將此由四百里諭令知之欽此

光緒五年閏三月十二日奉

上諭丁寶楨奏四川富順縣竈紳候選道王余照倚恃富
豪欺壓鄉里被控之案多係私設引局抽收并釐侵吞
公款並佔買已字民女爲妾等語似此恃勢橫行亟應
從嚴懲辦卽著先行革職交丁寶楨提省確切審辦以
示懲儆該部知道欽此

光緒五年閏三月二十二日奉

上諭前因恩承等奏川省官運局經竈民呈控多欸請飭

妥爲區畫常諭丁寶楨確查具奏茲據該督奏稱自上
年開辦官運後本年奏銷核計邊計各額引已全數銷
清復帶銷積引一萬餘張所收稅羨截釐及各雜款至
一百餘萬兩商人從前一切無名使費悉予刪裁民皆
食賤私梟潛蹤實屬商民皆便現經訪聞呈控各節係
富廠一二奸竈捏詞聳聽意在阻撓其犍射兩廠及富
廠竈戶不下千餘家商人則黔邊近邊十三廳州縣計
岸不下一二百家均無異詞等語川省從前鹽務積弊
甚深亟應力圖整頓惟裕課仍須便民方可行之永久
既據丁寶楨查明官運商銷實爲有利無害成效昭然
卽著該督悉心經理慎始圖終勿以浮言而滋疑懼餘

著照所擬辦理欽此

光緒五年四月初三日奉

上諭前據恩承等奏川鹽改歸官運開銷糜費等情當經諭令確查具奏茲據奏稱查明官運局借撥成本數目不符徵收款項亦多牽混雜款名目煩多以致商民交困開支薪水勇糧等項爲數甚鉅提借庫款既未歸還應收鹽價又不照章彙解於國計民生兩無裨益等語丁寶楨前奏川鹽官運商銷有利無弊成效昭然茲覽恩承等所奏利少弊多與該督原奏情形種種不符著戶部將摺內所陳各節詳細酌核妥議具奏片片奏黔滇兩省邊引宜逐漸整頓自能暢行及裁減冗費抵解

部庫捐款等語著戶部一併議奏欽此

光緒五年四月二十九日奉

上諭前因恩承等奏遵查川省鹽務改辦官運商銷利少弊多與丁寶楨原奏不符當經諭令戶部酌核具奏茲據奏稱川省自開辦官運後迭據該督奏報邊計額引全數銷完復銷滯引至一萬餘張所收稅羨截釐暨雜款至一百餘萬兩是該局之有益課款似尙可憑滇黔引片久懸現在開辦黔邊甫著成效未可遽行更改其改包抽釐一節統核鹽價每斤所加祇在毫釐之間不致遽妨民食且該省現在辦法雖屬官運仍由商銷該督摺內既有川鹽旺銷號商添設之語自亦不致病商

再查該督前奏邊鹽增收銀兩除本省留支外尙能肆
應有餘卽以抵捐撥欸二十五萬餘兩言之是其盈餘
之數當不止八九萬兩請仍飭該督妥籌辦理各等語
卽著丁寶楨懍遵閏三月二十二日諭旨將官運商銷
各事宜悉心區畫慎始圖終封疆大吏整頓地方公事
固不可動於浮言亦不可操之過蹙務令裕課恤商便
民均無窒礙方爲不負委任其在事官員尤宜隨時督
率勿令日久生懈設有始勤終怠或將來徵收漸絀不
能如前撥欸不能按期解足及不恤商力不便民用等
情則咎有攸歸必惟該督是問並著按照戶部先後奏
咨各案迅將徵收雜欸開支局用領收運本及撥還借

欸數目限期並新收舊管各欸如何分別存局解道及
此次恩承等原奏所稱不同情節各歸各欸詳晰查明
具奏仍一面分造清冊專案報部核銷不得稍涉含混
致滋口實餘依議欽此

光緒五年六月十五日奉

上諭丁寶楨奏查明道員操行貪劣辦事朦混請旨革職
一摺四川鹽茶道蔡逢年身任監司竟有索取鹽釐解
費及局員規禮並爲親故勒索幫費情事採辦貢緞被
人呈告該道輒敢向該督索回遞呈之人辦理鹽務於
改配改代發引各事又有朦混情弊實屬貪劣不職蔡
逢年著卽行革職其承辦引章如查有不實不盡再行

從嚴參辦餘著照所議辦理該部知道欽此

光緒六年二月十二日奉

上諭前因有人奏四川修築都江堰堤工奏報不實等情當諭令恆訓按照所奏各節確查具奏茲據該將軍先後奏稱勘明都江堰外江淤沙堆塞地勢高於內江丈餘丁寶楨復將內江挖深一丈七八尺水勢全注內江連年堰工衝塌實由分水不勻所致灌縣等處並無涸出農田八萬餘畝之多又據恆訓奏稱鹽務辦理官運實係病商病民流弊甚大蓬溪南部鹽釐局改立新章釐數加增鹽價日昂小民益困各等語丁寶楨疊次所奏修築堤工整飭鹽務各情均稱具有成效朝廷以該

署督辦理地方事宜尙能破除情面認真整頓故責成始終經理信任不爲不專丁寶楨若果事事措置合宜何至人言嘖嘖此次恆訓所奏竟與該署督奏報情形迥不相同著丁寶楨按照恆訓覆奏各節據實明白回奏如敢意存掩飾貽誤地方恐該署督不能當此重咎也恆訓摺片四件著鈔給閱看將此由驛四百里諭令知之欽此

光緒六年五月初一日奉

上諭丁寶楨奏修理都江堰工成效頗著並復陳地畝涸復並無虛飾川省鹽務不致困商病民暨遵覆蓬溪南部釐務情形各摺片覽奏均悉堤堰保衛民田大利大

害關係甚重鹽務改章創辦尤宜慎始圖終該署督惟
當實力實心認真經理以期經久可行固不可憂譏畏
譏稍易初念亦不可剛愎偏徇自護已非朝廷實事求
是丁寶楨將來功罪總以有無成效爲斷不在此時之
剖辨也懍之慎之將此由四百里諭令知之欽此

光緒七年十一月初一日奉

上諭丁寶楨奏重修井神廟宇請加封號並頒扁額一摺
四川富順縣自流井神廟前經燬於兵燹現經該省紳
商捐資修建廟貌重新著南書房翰林恭書匾額一方
交丁寶楨祇領敬謹懸挂以答神庥餘著照所議辦理
至所請勅加封號之處著禮部議奏欽此

四川鹽法司
光緒八年二月二十八日奉

上諭唐炯現已簡放雲南布政使其四川官運局鹽務關係緊要向係唐炯一手經理頗著成效現須交卸赴任所遺差務著丁寶楨遴選委員奏委接辦仍著該督隨時督飭認真辦理毋任日久廢弛將此諭令知之欽此

光緒八年三月十二日奉

上諭戶部奏遵撥滇省練餉一摺雲南現在添練防軍著照該部所議由四川官運局每年撥銀二十萬兩以濟餉需卽著丁寶楨飭令該局自本年爲始按年撥解不得稍有延欠其常年兵餉及協撥月餉並著該部催令各省迅速籌解俾資接濟現在餉項支絀此次所撥四

川官運局銀兩係屬有著之款劉長佑等務當將增募練軍豫籌邊備事宜實力經營妥爲布置以期慎固疆圉有裨大局不得稍涉疎懈虛糜餉需將此由四百里各諭令知之欽此

蠲卹恩詔

順治二年奉

諭旨各運司鹽法明末遞年加增有新餉練餉及雜項加派等銀深爲厲商今盡行蠲免止照舊額按引徵收本年仍免三分之一欽此

順治六年奉

恩詔免四川商民鹽課以四川未定免徵鹽課從巡撫趙班璽請也

康熙四年三月初五日奉

恩詔內開一直省順治十六十七十八年催徵不得各項舊欠錢糧著照蠲免十五年以前錢糧一體蠲免前侵盜庫

銀不赦今俱著並免其鹽課積逋催徵不得者著察明亦准酌量蠲免欽此

康熙二十年十二月二十日奉

恩詔內開一康熙十七年各行鹽地方起增開月課銀除已完外如有拖欠者該巡撫御史查明具題到日豁免此後開月停其徵收欽此

嘉慶四年奉

上諭川東川北地方自賊匪滋擾以來被難人民殊堪憫惻前曾降旨飭查將本地應徵錢糧分別蠲緩茲據勒保查明奏到所有被賊蹂躪之川東道所屬奉節大甯巫山雲陽萬縣開縣達州東鄉太平新甯忠州梁山墊江鄂都江

北涪州合州長壽定遠十九廳州縣川北道所屬閬中蒼溪南部廣元昭化巴州通江南江南南充儀隴蓬州廣安營山渠縣大竹鄰水岳池十七州縣共三十六廳州縣地方應徵本年地丁錢糧及近賊之石碚巴縣壁山劍州西充五廳州縣應徵本年地丁錢糧俱著加恩全行豁免其本平獨緩之石碚江北岳池蓬州南部涪州合州忠州鄆都墊江閬中昭化劍州南充西充巴縣十六廳州縣及去年請緩之黔江一縣均有緩徵嘉慶三年地丁錢糧又定遠縣未完嘉慶三年民欠江北長壽定遠涪州合州巴縣壁山巫山雲陽萬縣開縣大甯忠州鄆都墊江梁山達州東鄉太平新甯二十州縣均有帶徵嘉慶二年輪免錢糧案

丙火耗亦俱著加恩蠲免十分之三餘照所請緩徵以紓民力再被賊各州縣應徵鹽茶稅課銀兩聞有滯引未銷者亦著加恩展限緩徵以副朕軫念災黎恩施無已至意欽此

嘉慶五年二月初六日奉

上諭川東川北被賊之巫山等處各廳州縣並近賊之石砬等廳州縣上年應徵錢糧業經全行豁免茲據魁倫將被賊各地方情形查明具奏所有巫山雲陽開縣萬縣大甯忠州梁山江北巴州蒼溪閬中廣元通江昭化南江營山廣安渠縣岳池儀隴大竹鄰水合州定遠南充墊江蓬溪二十七廳州縣應徵本年地丁正閏火耗銀米著加恩蠲

免石砭廳劍州巴縣壁山西充遂甯鹽亭平武長壽涪州南部蓬州鄧都射洪暨松潘屬之南坪營等處十五廳州縣營應徵本年地丁正閏火耗銀米著暫行緩徵以紓民力至被賊各州縣內有應徵鹽茶課稅銀兩有滯引未銷者均著一併展限該督務須督飭所屬實力稽察毋任吏胥侵漁滋弊以副朕軫念窮黎有加無已至意欽此

嘉慶六年奉

上諭川省保達各屬刻下賊匪漸次肅清但念上年被賊較重地方耕種失時且各屬修築碉寨團練堵禦俱屬認真茲屆嘉慶六年開徵之期自應酌量情形分別蠲緩以示體恤所有達州東鄉太平新甯奉節巫山雲陽開縣萬縣

大甯忠州梁山鄧都墊江涪州長壽江北合州巴州蒼溪
閬中廣元通江昭化南江南部營山廣安渠縣岳池儀隴
大竹鄰水松潘平武南平等三十六廳州縣營應徵本年
地丁火耗銀米著加恩全行蠲免其南充定遠鹽亭劍州
蓬溪射洪蓬州七州縣應徵本年地丁火耗銀兩著加恩
暫緩開徵至被賊各廳州縣應徵鹽茶課稅內有滯引未
銷之處亦著加恩一併展限緩徵以紓商力欽此

嘉慶七年奉

上諭川省地方連年教匪滋擾凡被賊近賊各廳州縣經朕
疊次加恩蠲緩現在零匪尙未淨盡若將應徵錢糧一律
徵收民力不無拮据著加恩將界連陝楚之大甯太平廣

元通江南江等五縣本年地丁正耗銀兩全行蠲免其奉
節巫山雲陽萬縣開縣東鄉蒼溪巴州等八州縣本年地
丁正耗錢糧蠲免十分之五江北廳長壽達州新甯忠州
鄆都墊江梁山太竹鄰水昭化閬中等十二廳州縣本年
地丁正耗錢糧蠲免十分之三至長壽雲陽萬縣開縣巫
山梁山達州東鄉新甯等九州縣所有嘉慶三年帶徵二
年輪免案內火耗銀兩其達州梁山二處數在一千兩以
上加恩緩至來年帶徵其餘七縣銀數有限俱於本年一
併帶徵昭化南部閬中岳池等四縣緩徵嘉慶三年地丁
正耗銀兩江北廳涪州合州忠州鄆都墊江等六廳州縣
緩徵嘉慶三年地丁正耗並帶徵二年輪免案內火耗銀

兩蓬溪鹽亭射洪等三縣緩徵嘉慶六年地丁正耗銀兩俱著加恩於嘉慶八年起分作二年帶徵蓬州劍州南充等三州縣緩徵嘉慶三年地丁正耗銀兩定遠縣緩徵嘉慶三年民欠地丁正耗並帶徵二年輪免案內火耗銀兩蓬州緩徵嘉慶五六年地丁正耗銀兩劍州南充定遠三州縣緩徵嘉慶六年地丁正耗銀兩俱著一併加恩於本年起分作五年帶徵以紓民力內大甯太平廣元通江南江等五州縣應徵鹽茶稅課銀兩有滯引未領銷者亦著一體展限該部知道欽此

嘉慶八年二月十五日奉

上諭川東川北州縣連年被賊滋擾節經降旨分別蠲免前

因大功裁定復經諭令該督等查明所屬州縣帶徵緩徵
民欠民借一切銀米自嘉慶元年至十七年爲止分別開單
進呈候朕加恩茲屆嘉慶八年開徵之期小民等於本年
應徵地丁錢糧自應踴躍輸將念該地方甫經甯謐生計
尙艱若照例徵收民力實恐拮据所有從前被賊情形較
重之太平大甯廣元通江南江五廳縣應徵嘉慶八年地
丁正耗銀糧著加恩蠲免十分之五其情形較輕之巴州
蒼溪奉節巫山四州縣應徵本年地丁正耗銀糧著加恩
蠲免十分之三雲陽萬縣開縣江北長壽達縣東鄉新甯
忠州酆都墊江梁山太竹鄰水閬中昭化十六廳州縣應
徵本年地丁正耗銀糧著加恩緩至秋後開徵又太平大

甯廣元通江南江五廳縣應徵鹽茶課稅銀兩並著一體
展限俾閭閻漸增樂利益慶盈甯以副朕覃敷惠愷至意
該部卽遵諭行欽此

嘉慶九年三月二十三日奉

上諭勒俱奏請將太平等廳縣應徵錢糧分別蠲免一摺川
境地方早就肅清民皆復業惟太平通江大甯三廳縣從
前被賊較重刻下尙有籌辦善後事宜民力稍形拮据著
加恩將該三廳縣應徵本年錢糧蠲免十分之五又巫山
縣與楚北毘連從前亦屢次被賊民力尙未完紓著加恩
將應徵本年錢糧蠲免十分之三至該廳縣應徵鹽茶課
稅銀兩並著加恩一體展限俾閭閻生計日臻寬裕以示

朕恩施無已至意該部知道欽此

勅

宣宗成皇帝勅一道

勅四川鹽茶道茲命爾管四川通省鹽茶道事務駐劄省城首在撫綏黎民勤宣德意約束衙門官吏胥役使之恪遵法紀無致作弊生事擾害官民其經營鹽茶道各官聽爾統轄監司本源既正方可表率屬員用循職守其通省州縣產鹽產茶地方及收徵邊腹土茶引俱屬爾該管必嚴緝捕以絕私販汰虛費以速徵納剔侵蠹以疏積壅察照戶部議定事宜著實舉行仍誡諭有司簡訟清刑潔已愛民生聚教訓共圖保障凡係流移人戶須設法招徠各復本業不許奸人借端詐害如大兵征討經由地方糧草

舟車皆當通融豫備以便臨時支給事竣報覈勿容有司
朦朧橫派重困小民所屬官員有貪殘溺職者轉報該督
參處爾仍聽該督節制年終將行過事蹟開送該督咨部
察考爾受茲委任須持廉秉公殫心竭力使小民樂業斯
稱厥職如或貪黷乖張因循怠忽貽誤地方責有所歸爾
其慎之故勅道光元年十月二十四日

聖製

高宗純皇帝火井詩一首

義之廣異聞火井欲具示未曾讀漢書郡國志原備博物

稱投燭滅絕不復熾

博物志云投以火燭不復然

賦注家火投燭然照

天地

見蜀都賦注

一滅一云然定論終誰是千秋紀載家孰能

免耳食其實至今存所秉陰精氣火陽而根陰離爲見周

易

叶

鑿井如置產恆引供烹飼

火井昔著於臨邛今則富

井卽擅爲恆產於井旁穿穴剝竹去節塗以鹽泥可引火供炊爨其竹不焚也

亦可用煮鹽鹽井

則別異

就井列竈引火至竈中汲鹽井水煮之水一斛可得鹽數斗然以家火則少滅火井深不過五六丈

鹽井深二三十丈鹽井有水而火井則無其利均溥

蜀有爭產者是聞問以悉

叶閩

載章蜀民有爭火井傷人議辟者未悉其制詢諸蜀人之仕於朝者其言比載籍所傳尤爲明確

評理因

誌詳究竟非奇事